



武定詩續鈔

武定詩續鈔

一二

14
743
17



14  
743  
17

和  
門  
卷



同治丁卯年鐫

# 武定詩續鈔

利津李氏藏板

序

國朝山左詩鈔經靈雅兩張南崧余秋門諸  
先生凡三選予田居多暇盡取而讀之因攷  
吾郡作者盧遜四十餘人張選八十餘人余選  
僅七人耳慨然曰吾郡詩教豈今不逮古與  
何嚮之多而今之寡與抑亦無人為之編輯  
揀選者無憑採錄以致遺佚者多與吾郡詩  
鈔自惠民吾宗味初公編輯始明代以洎

武定詩續鈔

序

國朝得詩十二卷文獻累備誠盛舉也迄於  
今又七十餘年矣而嗣響無聞此數十年間  
後學繼起未必不可追蹤前人况存鈔所選  
尚有人雖存而詩有遺者更有詩與人並遺  
之者及今網羅散佚千百中尚可有什一之存  
倘再聽其散佚恐不免與風煙俱化豈不重  
可惜哉昔惟兩先生序山左詩鈔曰此後死者  
之責也吾於吾郡詩鈔亦曰誠哉後死者之責

也獨是收吾郡詩有倍難者文人片長自見  
每樂表揚斯世所同也而吾郡士習知希我  
貴往保一生之精力抱殘編以終老甚至傳  
之子孫遺命不以示人者所在多有也夫無  
足觀而災梨禍棗妄思問世者不自量也有  
可觀而深藏若虛惟恐人知者亦未免情之  
矯矣孔子曰君子疾沒世而名不稱焉微論  
宿儒碩學不得志於時者其人易湮即連

官顯官焜耀當肯生則榮沒則已焉數百年  
後且有莫舉其姓字者惟賴有著作流傳令  
後世如見其人則詩之存亡其豈因豈淺鮮哉  
吾憲吾郡之著作今猶及見者久或無存因即  
前鈔以後之詩訪而錄之又即前鈔所遺之詩  
補其缺略而增輯之而海邑吳仲懌孝廉及  
吾邑趙余田明經復助余搜羅於各邑詩稿  
有一微即至者有屢微而後至者亦有展轉

徵求而仍不至者遲之年餘集成廿卷又益以  
家集四卷共得詩品之數其人則自爵位顯赫  
以逮窮窶無聞之士苟詩有足錄為吾所及見  
者未嘗不錄焉非敢有所軒輊也其詩則自  
闡乎風教通乎政事或正言或瀆諫者固有  
足尚即游覽贈會吟風弄月自適其性情者  
亦並收焉不敢拘一體格也雖雖捨不必無遺  
茲裒然成帙倘異日輜軒之使有採風於渤

海之濱者以是編進之庶吾郡文獻不致歛  
無徵焉是則鄙人搜輯之志異先無罪於前  
人者夫

同治丁卯胄舊史官李佐賢謹序

凡例

一 惠民吾宗味初公有武定詩鈔之選今七十餘年尙無續刻  
恐各邑詩人湮沒者不少是以有茲編之役體例多仍前鈔  
惟前鈔於明詩 國朝詩各分卷帙茲因續收明詩無多故  
合而爲一其朝代但於卷下注明

一 前鈔於詩人之字號籍貫科目官階著作俱列小傳其有事  
蹟可載者夾註於小傳之下以寓知人論世之意茲仍其例  
不知其詳者則但有傳而無注凡前鈔已注者茲從略

一 是編以詩爲主其詩已見前鈔者概不重選若其人已載前

鈔而詩有遺珠者無妨補選但於人名下注見前鈔三字至  
前鈔未載之人一概不注以示區別

一自昭明文選止載已往不登現在歷代選詩文者多從其例  
顧吾郡詩鈔自味初公編輯後年久未續余今極力蒐羅仍  
多未備自今以後再續郡詩未識更屬何人更待何年如今  
世現存者一概不登儻後人訪求未備致滋湮沒不亦重可  
歎乎近時余秋門明府山左詩彙鈔符南樵孝廉 國朝正  
雅集均收現在諒同此見茲鈔於徵文考獻之中寓攻玉斷  
金之意後進詩有可採者間爲梓入以質騷壇識者諒之

一詩鈔與詩選異選詩者或標立宗旨合者留不合者去以成  
一家之言鈔詩則但存本色清奇濃淡不拘一格但期廣收  
博取以備輜軒之採擇而於積學無聞或韋布終老者尤加  
意焉蓋兼寓發微闡幽之意云

一以詩存人果有佳什雖布衣必錄而亦有以人存詩者必其  
人之大節昭著者也否則文名彪炳者也否亦爵位烜赫者  
也若是者錄詩不過數首不求備也

一是鈔錄詩每人限百首以內惟吾邑魏東溟公係前代名臣  
幸詩稿之年遠未湮惠民味初公則有功於郡詩鈔者故破

例各登百餘首此外割愛者多以限於剞劂之資也

一鄉黨尚齒編次先後約略以時代世次爲序年遠不知其詳者或以科第爲序其一族者則以輩行爲序弟雖早達不得先兄姪雖年長不得先叔也

一古體用古韻近體用唐韻乃一定之規茲鈔古體必取其韻之可通可轉者近體則專用本韻否則不敢濫收

一盧選山左詩鈔每卷以詩多者冠首茲仍其例雖序齒微有參差可不拘也

一漁洋先生謂古體通首一韻者中不可闕入律句又謂律詩

最要辨一三五秋谷先生亦云一三五不論便是古詩卽有拗體有拗必有救皆不易之法是集皆取其合是格者其不合者雖有佳句未敢濫收

一前鈔於小傳字號之下書某人子弟者則不書某縣人其書某人皆稱其名茲小變其例改稱字號而不稱名仍書某縣人令閱者醒目其先達前輩則稱某公同輩及後進則不加公字以別之

一小傳之字號科第爵里著作以及夾注內之事蹟多以郡志縣志家傳墓誌爲據其近人尙無傳誌而爲余所稔知者則

以案語注後不知者及後進者則多闕如

一關雎卷耳多作於婦人女子之手閨媛未必無詩人也故歷來詩集多有閨秀一門吾郡士夫家每謹守內言不出相之義閨房之詠不肯輕易示人故所收寥寥

一方外流寓他集多有收者吾郡方外通翰墨者殊乏其人流寓則來往無定即欲搜訪必多挂漏是以一概不登不必借才於異地也

一盧雅雨余秋門兩先生山左詩鈔皆以家集附後茲鈔附以家集循成例也特以先人之詩未敢妄為去取因乞同年張

翼南選訂填諱而佐賢事編校之役至兄弟子姪之詩仍多自為選擇焉

一是集徵求採錄年餘始克告竣自愧謏陋皆藉助於戚友海

豐則王蘭洲農部毓寶張子緝比部衍熙吳仲懌郎中重憲

吳庾生銓部岫濱州則王子武學博繩曾張筠農茂才芝田

杜桐巢茂才翻霑化則蘇蕉鄰廉訪敬衡利津則張翼南太

守銓趙余田明經維奮吳笠江明經岷源張守泉孝廉葆恩

及余族樓輝叔文萼族姪貽謀皆與有勞焉而採訪之勤尤

莫過於仲懌商榷之密尤莫過於余田也



一是編搜集雖勤而闕佚尚多吾郡先達或有無詩可徵者或有徵而不至者至宿儒終老牖下及隱逸不求人知者更不可枚舉未嘗不歎文獻之難徵也同人如有藏本仍望寄達當再為補編

武定詩續錄目錄

卷一 明人 卷二同

王朴 一首

孫璽 一首

魏綸 六十六首

卷二

魏綸 六十九首

孫重光 二首

楊巍 十一首

張西銘 三首

劉效祖 一首

劉世偉 二首

馬攀龍 一首

高鳴岐 一首

宋 槃 二首

張 潑 一首

張自慎 一首

曾明烈 一首

張鵬南 一首

卷三 國朝人 卷四以下俱同

李呈祥 十六首

吳汝亮 一首

毛如瑜 一首

朱 鉦 一首

李道昌 一首

張 逸 一首

史以明 一首

杜 曦 一首

杜 杲 二首

杜 濂 十四首

范明徵 十七首

蘇毓眉 二首

張 瓚 一首

馬宛毅 一首

尹天民 一首

王敬公 三首

劉新國 一首

張 楫 一首

張 璣 一首

卷四

王 清 五首

劉世藻 一首

張士睿 一首

吳自肅 十一首

吳自沖 八首

吳象義 一首

吳象寬 九首

張 隆 一首

王克孝 一首

張端泰 一首

丁 瑛 一首

李百澆 二首

張懷鑑 一首

劉學渤 一首

勞爾業 六首

張 宣 三首

紀之健 一首

史敬勝 一首

曾繼美 一首

李 頌 一首

潘內召 一首

張 渠 一首

王爾梅 一首

張志奇 五首

卷五

吳象默 七首

范 仔 一首

劉佩珂 七首

吳紹甲 一首

孫際平 一首

李 傑 七首

薄毓泰 一首

王同之 二首

吳象彌 十二首

張 敕 四首

吳紹治 三首

張廷翰 一首

李燮如 一首

李 魯 十一首

張金詔 一首

杜 蕓 五首

路鯨 二首

李壽瀟 二首

張鏐 二首

張鎔 二首

張鏐 一首

楊綱 四首

吳壘 一首

張鉞 一首

卷六

吳之裕 十七首

吳之勳 十五首

杜彤光 五首

杜光彥 二首

張青萍 一首

魏申錫 三首

吳秉堅 二首

蘇劍青 一首

李植 四首

王采珍 十九首

史尙確 一首

吳湘 一首

吳江 七首

焦汝翰 一首

卷七

李衍孫 一百零四首

卷八

張映緯 五十九首

馬江 十五首

劉世傳 一首

高偉修 一首

王震霖 一首

卷九

張映漢 七首

韓天驥 四首

蓋方泌 十首

張映蛟 一首

綦豐 一首

王所禮 九首

王所甄 二首

王所擢 二首

李寶裔 二首

范穀貽 三首

李友驥 二首

黃維璧 一首

劉遇春 一首

張淑媛 一首

吳豐 十二首

蘇兆登 十一首

杜坊 六首

杜埭 一首

杜埭 一首

卷十

杜壻 五十三首

吳純彥 三首

張渤 九首

吳熙曾 十二首

吳觀孚 十首

吳家桂 一首

吳觀立 十八首

劉炳彝 一首

張文臺 二首

李鶴 五首

卷十一

吳侍會 三十八首

馬毓林 二十五首

王爰瀚 一首

王惟誠 二首

馬翊宸 二首

王惟詢 二首

李維 一首

岳鎮東 二首

高容聲 一首

趙瑄 一首

趙瑋 一首

盧龍光 一首

張鴻 三十二首

卷十二

張洵 三十七首

陳青臯 二首

張德耀 二首

岳鎮南 五首

黃金耀 二首

杜樽 一首

吳式敏 四首

鄭泐 一首

王鑽 六首

王銳 二首

王治 二首

張泉 四首

崔印貫 一首

杜受元 九首

蓋鉦 十三首

王於藩 五首

卷十三

杜受田 二十五首

趙荆巖 一首

范承厚 八首

張廷璿 三首

吳式緒 一首

吳式羣 四首

范承遜 九首

李鼎銘 二首

范承旭 一首

范承愿 四首

張求 十一首

杜受衡 十一首

袁溥 一首

史誨 一首

卷十四

范承俊 三十三首

張波 一首

薛媚 四首

紀雲階 一首

范象乾 四首

范芹潤 七首

蓋瑩 三首

張廷璣 二首

王毓寶 二首

王榮黻 一首

王承庚 五首

卷十五

吳式芬 三十一首

王懷德 一首

趙杰 十四首

趙長齡 三首

王文耿 二首

蘇敬衡 一首

胡方中 一首

高貢齡 四首

吳肇暈 一首

張廷珣 二首

李硯銘 一首

趙銘書 一首

卷十六

張銓 四十四首

杜受履 一首

杜受廉 十七首

杜翰 三首

杜翻 十三首

張衍壽 六首

卷十七

吳重周 二十首

張衍重 八首

張衍度 二首

王榮第 二首

崔鍾芳 二首

王毓珙 一首

裴岱峯 三首

羅同文 三首

李星房 三首

王裕垣 五首

王貴農 二首

王崇化 三首

趙維畬 十三首

韓節忠 一首

吳筮晉 九首

范遜祁 二首

王芸封 一首

周國楨 一首

卷十八

王繩曾 六十首

張策 七首



張履泰 三首

蘇榮藻 三首

卷十九

吳岷源 四十五首

蓋 錡 八首

游百川 二首

任魁揚 二首

張衍熙 三首

王榮烈 一首

趙維昀 一首

張葆恩 一首

李蘭谿 一首

高式銘 一首

卷二十

王會英 六首

王藻英 七首

趙德樹 二首

高彤琦 一首

高彤瑄 二首

劉義齡 三首

隆煥章 二首

吳重憲 六首

孫墨園 三首

李 勤 一首

杜 翻 三首

杜庭琛 六首

張守虔 四首

吳 岫 一首

季光甲 一首

裴 淦 二首

閨劉春儀 一首

邵 氏 二首

馬毓瑛 一首

張 琳 十一首

王慕貞 四首

張氏 三首

范氏 二首

卷二十一 李氏家集 二十二以下俱同

李愉 一首

李含章 五首

李源 四十五首

李華 二十六首

李巍 三首

李崑 四首

卷二十二

李文桂 四十首

李文杰 一首

李文綬 三十八首

李文萇 十九首

卷二十三

李崇照 二首

李上賢 九十六首

李豐照 二十八首

李破賢 六首

李世賢 九首

卷二十四

李佐賢 八十八首

李煜奎 五首

李貽良 七首

李貽功 二首

李貽經 二首

李貽雋 五首

閻李蘭芳 八首

李氏 一首

張衍蕙 一首

李貽芸 三首

武定詩續鈔卷一

明人

卷二同

利津李佐賢竹朋編輯

王朴

字子素海豐人洪武壬午明經以子佐贈戶部尚書

府志

孝友傳朴經史靡不通貫而尤邃於易洪武壬午膺明  
經典教濱州未幾懇歸養性至孝父暑月違病熱極思  
冰遣人遠致之比至已告絕  
矣遂痛恨誓終身不飲冰

渤海觀潮

旭日初升宿雨收。扶桑縹緲隔瀛洲。海濱有客閒凝眺。彷彿波  
濤擁蜃樓。

武定詩續鈔

卷一

孫 璽 見前鈔

青城人宏治庚戌進士官至平涼知府前鈔載其詩二首此首未載故

補入續鈔凡明人已見前鈔而詩補錄者俱做此

濟水環清

海流縈碧帶春漲接潮生別浦孤帆遠沙洲落照明綠迴風藻

亂白泛野鷗輕彌望清無際滄浪可濯纓

魏 綸 見前鈔

字利之號東溟利津人正德丁卯舉人官至浙江副使

著東溟詩集陽邱張篤行東溟詩集序先生初年筮仕廣文即以蒼生為己任時崔苻四起上弭

寇十大議天子嘉納之擢之西曹厥後觀察浙東巨寇  
蠢肆以數萬計先生身先士卒擒渠魁以獻其在部  
曹時江彬竊人主柄權傾中外同黨牛宋輩悉不法臺  
省咸畏如虎未敢出一語先生首發難列其罪抗疏朝  
廷江結寇大江欲得甘心而先生率獲免此天之所以  
相先生歟及少參山右撫軍喜逢先生拜馬前者此先  
生獨強項不肯下日伊不過能使吾不為監司耳他何  
畏哉竟登階長揖而已撫軍深頷之隨以事申先生先  
生交章相持不少屈卒無如先生何其勁節衛如此者  
詩集何足以盡先生也哉○按公入郡誌名臣傳事蹟  
備載前詩鈔茲不贅述惟前詩鈔僅載詩一首諒由未  
見全集今從其家覓得全集鈔本大抵獨闢畦町不襲  
窠臼而清剛雋上肖其為人亟錄若干首以補未備

雨中宿韓莊寺有感

積陰晝成晦急雨鳴銀竹修程里九十泥淖濺馬腹馬步且艱

正定詩經  
澁矧彼飢童僕。迤邐至韓莊。乃投古寺宿。老僧顧我言。底事苦  
馳逐。因捧毛君檄。纔干子張祿。豈敢倦行役。坐餐有道穀。緬惟  
陶彭澤。日對南山菊。欣然酌濁醪。千載仰芳躅。非不願金之仕  
止別川陸

荷池

此地昔爲徑。我來闢小沼。不知我去後。誰復開懷抱。不知幾何  
年。又復生秋草。物理有盛衰。得失何悄悄。但願酒樽滿。日月任  
昏曉。不見秦漢宮。枯木悲野鳥。

鼓楫

挂席濟深廣。休暇聊遊豫。美酒樂斟酌。復與佳賓具。泛泛迴溪  
轉。烟迷不知處。漁子依垂楊。遊魚避窺鷺。荷柄出明豔。默默笑  
相顧。沈酣入混沌。狂歌劇韶護。祇知窮探涉。不覺日遲暮。綠蒲  
上暝烟。應有人家住。艤舟一問之。何處是歸路。

舟夫歎

河上牽行舟。逆流進步緩。寄語舟中人。綆長民力短。

芹泉山

山花濃欲然。白雲細成縷。四顧杳無人。泉石自相語。

石子峯在汾州察院

平生愛幽石。見石如見玉。奇哉此巖岘。真可洗塵目。移之險且  
勞。遙遙太行谷。胎含碎石子。五色爛成簇。大如桃李核。小者豆  
與粟。融結幻異態。萃萬爲一轂。癡疑神膠粘。又訝鬼工屬。中邊  
瘦玲瓏。肘腋互拳曲。因思元會前。水滾石翻覆。歲久稜角去。細  
鉅總圓禿。混沌再陶冶。萬類沸如粥。間有渣滓在。媾此形蠢蠢。  
乃知億萬劫。造化可類觸。我來攜壺觴。對石吸清馥。舉觴酌石  
巔。珠瀑紛漉漉。俄傾石色變。紫潤似含璞。只疑石醉倒。驚將兩  
手搥。倏爾勢轉奇。冉冉欲飛舞。又恐升天去。尋卻漏處補。嗟我  
意恍惚。遐想入太古。

過鎮原縣東崖

鎮原勢東鶩。平廣僅一瞥。周迴廿餘里。白草乾可擗。乍脫峯壑  
險。浩蕩鬱淙泄。忽臨石窰河。坤維劃爾裂。斷岸心目悸。千仞何  
截臬。曲徑蛇蜿蜒。垂十步四五折。攀緣欲上難。俯落易一屑。肩輿  
倒垂下。壯士力提挈。憶昔鴻龐時。此地俱平列。東遭洪水蕩。淵  
然巨浸設。西崖來往徑。風雨日飄齧。千古無已時。委曲過深缺。  
晴霽劇蜀道。尤慮值雨雪。壯懷愜登陟。探奇殊怡悅。時危增畫  
守。壁立千仞鐵。當關一敵萬。綽可障戎黠。逃哉勞役人。莫謂險  
可劌。

幽州孟氏園看竹

憶昔容江南。修竹環左右。晨夕結幽況。撫玩若璫玖。錦棚饒風味。玉屑不離口。自從江北來。祇見桑與柳。清芬味疎澗。日夕啖葱韭。襟抱向粗俗。飄洒意何有。誰料孟氏園。重晤數不偶。時維春正月。草木凋謝久。生意未萌動。萬彙目尙瞶。乃復見脩姿。他鄉逢故友。蒼鬱迴出塵。疎密殆近畝。逸態殊翩颺。天趣任妍醜。高者千層雲。低者亞戶牖。背者若分攜。向者若聚首。出奇若脫穎。傍挂若掣肘。軒昂武奮戈。鬱抑文在羨。擁折顏氏天。奇古老彭壽。子子子卿旄。雙雙沮溺耦。灑弱仙休糧。垂俛客中酒。但覺

繁子孫。何處認氣母。月高翠羽明。風動青虬蹂。帶雨色彌鮮。擎雪力愈厚。天意篤栽培。清氣無衰朽。締視鉅與細。取材可分割。堅婉構鶴籠。細弱結魚鬚。脩健嚴瀨釣。冗短太公帚。拳曲揚簸箕。細密充漉簑。斷簡續三易。韋爛跳蝌蚪。汗青載德業。萬祀紀誰某。或作文士管。珠璣瀉九斗。或作壯士戈。三舍日退後。或創作律呂。鳳鳴聲堪取。或剖作合符。虎頭任驅走。虛心隨世用。直節每自守。常伴風月清。何慮雪霜培。我來攜壺觴。相楫興抖擻。好風何處來。萃篠飛萬絡。無暇問主人。狂酣恣叫吼。便欲東歸去。結茅倚培塿。且種一千竿。竊比渭川叟。

水利呈某長官

北農情且愿。徙居津水埏。播種一入土。豐歉恒由天。嗟我井田廢。規制秦火然。所以民愚哲。良由教所宣。江南寡平土。貢法從古傳。灌溉守遺軌。蓄洩無頗偏。水旱異南北。肥瘠何相懸。孟軻慨導始。河汾欲揚瀾。虬髮頗有志。房魏愧前賢。君臣遇難合。志士常拳拳。頃聞我公語。識力驚精研。縱觀濟水涯。謂可開稻田。陳說悉今古。博愛借淵泉。此法諒可施。況公握其權。寸心籌萬頃。一念澤千年。綸慚林下廢。快覩信有緣。明公果溥惠。黎首期安全。良法與美意。後賢庶勉旃。安知虞淵日。不上扶桑顛。

德州水驛早行

古郡夜投憩。水驛依沙岸。帆檣櫛雲出。鐙火搖波爛。翻思舟中人。同此利名絆。館吏故速客。就枕更點亂。子夜報五更。匆匆催早爨。飯罷西渡河。月落天地暗。倉卒鮮鐙燭。瘦僕然斷纜。行行廿餘里。微茫天始旦。雞聲接人語。喧聒星斗散。西望白雲迷。東仰朝霞絢。驅馳勞王事。慈母倚門盼。遐哉君親恩。行役甯敢怨。題畫

對雪卽事

樗櫟斲斤斧。樵夫售市朝。梁棟在巖谷。空自干雲霄。



東溟子督部獄值大雪信宿不止因成五言三十五韻  
以抒鬱抱時仲冬念三日也

同雲塞扶輿大雪繼昏晝眞宰妙醞釀道根吐奇秀玉屑明庭  
除冰柱掛簷霤眩晃目難視清寒齒可漱飄洒疏復密紛飛止  
還又誤落分崇卑回旋交左右乾元隔高明坤勢愈博厚萬井  
荷覆冒羣峯工刻鏤崇岡盤素蜺怪石眠高獸旅衣脩更袂樵  
笠忽易冑珉玕混眞麇廬舍失新舊古木峙寒羽空庭下飢味  
九仞覆遺蝗千山顛狂狖汗漫江難漁蹤跡野可狩衆槁耀鮮  
明此君益清瘦絮墮淡無影梅飛香難艷初疑天垂篩又訝雲

開竇。簌簌窗紗鳴。凜凜重衾透。三白乃世瑞。六出殆天授。試問  
烹清茶。何如飲醕酎。我初宦刑曹。督獄膺重守。陰森幾囹圄。凍  
餒紛囚寇。況值大雨雪。尤爲可矜宥。匍匐過堂陛。鬚鬢易老幼。  
鵠面半如鬼。癢殘復腫瘤。有衣盡沾溼。無力欲僵仆。復念深夜  
中。悽寒入膚腠。目不覩月星。耳惟聽晨漏。號泣天不聞。默禱神  
不祐。獄卒惡猙獰。捶撻恣呵詬。血肉染梏械。肌膚緣鼠鼯。怨尤  
亦徒然。膈臆祇自疚。見者爲心惻。聞之亦眉皺。安得復太古。和  
氣薰宇宙。民德協于中。舉世登仁壽。

冬日散衙偶題

薄書事已竟。塵抱差爾清。眇彼中庭木。惟有柏青青。豈不豔春華。獨爾謝其榮。幽鳥適何來。兩兩相嚶鳴。怡然啄柏實。一飽翔青冥。去住胡閒適。感之令人驚。遐哉雲林趣。緬懷千古情。

感興篇 抄三

憶昔穆天子。八駿騁遐荒。倏忽歷萬里。晏坐崑崙堂。泛泛奏瑤瑟。渺渺仙歌揚。但覺新知樂。那思去日長。故國多貞士。慷慨淚成行。豈不抱忠悃。默默已成章。跪陳敢見諫。何事幸殊方。武宗南幸嗟嗟征戍兒。歲出玉門關。青春淡無色。黃沙五月寒。牧馬驕南下。性命等榛菅。塞上堆白骨。閨中老紅顏。彤庭憶頗牧。空發拊

髀歎

止水瑩澄綠。而可鑑秋毫。微風起蘋末。乃亦作波濤。人心自平坦。倏爲情所撓。愛憎分高下。靈源慘戈矛。

送吳僉憲之湖廣

憶昔客武昌。偕君會江滸。飛濤日瀉蕩。魚龍自容與。隱隱漢陽城。雲烟互吞吐。紛紛南北音。帆檣競浦漵。大別千古青。相對傾醪醕。君時尹鉅邑。照乘光全楚。分袂倏更霜。石城重晤語。冰蘖肅南臺。凜凜激狐鼠。繡節照仙舟。湖湘待安撫。豈不念交誼。江皋久延佇。望望搏風鵬。雲霄漸遐舉。顧我支離人。方將適元圃。

三山蟠桃花。年來開幾許。

借孔文谷提學餞石涇廉訪於崆峒見鶴

崆峒閟靈異。塵海遙相望。傳聞問道宮。縹緲雲中藏。洞天三皂鶴。親曾覲軒皇。呼吸太和氣。那復憂稻粱。仙蹤至今祕。一出如鳳凰。竭來石涇子。陟峻垂金章。越江將遠邁。祖帳擇仙方。孔侯玉堂彥。星斗煥文章。嗟我支離人。素隱恒如狂。乃尋方外交。共舉雲霞觴。攀蘿躋鳥道。捫蘚繞羊腸。十步四五折。壯士喘且僵。俯視無底壑。烟嵐暮羣芳。幽鳥隱灌木。但聞笙與簧。咫尺疑晝晦。仰天愁望洋。險竟陟絕頂。雲錦森開張。滴瀟四溟濶。迤邐千

峯長。琪花照瑤席。貝闕翻迴光。舉杯招洞鶴。俄頃來翱翔。九霄落清影。六翩翮仙裳。長唳入紫清。凡羽難頡頏。在昔丁令威。千年歸故鄉。瀟洒華表月。人語清琅琅。乃知此胎仙。神化詎有常。一去幾千里。回期那可量。恐赴王母召。醉飲瑤池漿。我欲伺其返。叩之不死方。醉倒臥石徑。萬里雲蒼茫。

試金石

石試金財試心。金真不改色。心真不苟得。

遊南湖

日高湖水明。清風捲殘霧。何處小舟來。棹入菰蒲去。

水澗天低垂。未暝生煙霧。忽聞採蓮歌。雙鷺驚飛去。

題迎養圖

白雲漠漠天悠悠。使君鎮日懸雙眸。高軒迎養來千里。捧檄豈  
爲妻子謀。阿翁壽八十。矍鑠眞仙儔。笑騎冀北馬。來看淮南秋。  
高堂錦席香。雲流。彈絲擊竹羅珍羞。玉麟踴躍動萊彩。賀客盈  
座銜金甌。仙翁一笑春浮面。人間萬事皆浮漚。嗟誰無父子。貴  
壽不可求。生前一日養。堪抵萬戶俟。君不見累朝列鼎親已歿。  
負米空悲憶仲由。

雪米歌

并序

正德丁卯春雪霰交集。次日煖化爲水。因作此詩。其寓意見乎辭云。

天皇特敕呼元武。種玉爲糧濟下土。鞭起海底睡驪龍。耕破同  
雲不藉雨。巨靈壁碎藍田山。族收玉種餘石頭。玉種播入同雲  
裏。玉苗一夜白如洗。不待吐華旋結實。銀粟勻排圓粒粒。斗量  
箕簸輸下民。飛廉飄散均平平。跨山弭谷厚尺七。粒米狼戾誰  
愛惜。大家小戶盡豐盈。困溢倉填收不得。吁嗟飢烏來海東。氣  
焰灼灼燔穹窿。忍將生粟融爲液。長驅收入東溟中。辜負上天  
意。誰恤吾民窮。我因天事感人事。太息人間有貪吏。發倉賑恤

沛恩綸恩綸共戴。邀天賜老幼。杖節盡枯癯。豈知官吏無窮弊。  
大斛申文小斗支。里書三一猶睢睢。至尊如天豈得知。小民血  
淚空偷垂。稽首告天公。願濟斯民艱。天公曰汝命。吾雨金與錢。  
小臣再拜言。金錢何取焉。雨金今無辭。金廉雨錢豈無貪。錢官  
但願多生材。俊質充列吾皇牧民職。羣生飽食羣盜息。天意君  
恩兩無忒。

積雨農夫歎

已卯之歲歲多雨。高田薄熟低田苦。漂零湮沒可奈何。十僅一  
二登場圃。碌碡無聲雲滿天。白衣蒼狗紛如許。暫喜雲微勢欲

停。俄傾翻盆水沒股。有時破竇閃日光。飛霾傍窺競塞補。羣山  
坱圠互蒸注。風伯潛藏氣不吐。積稻蒸沍蘖芽生。那得斗升供  
破釜。且暮催科吏打門。鎖項鞭肌勢如虎。入城借貸誰矜憐。涕  
泗淋漓面如土。卻見貴宦擁高牙。駿馬雕鞍曳簪組。又聞豪族  
輕薄兒。笑擲千金買歌舞。徘徊路側痛心傷。何獨吾農受貧窶。  
仰面呼天天不聞。閶闔雲深誰是主。歸來含泣向妻言。且賣阿  
兒應官府。

冬郊遊望

簿書雜還日相薄。十月連鑣出城郭。微茫原陸明朝曦。萬里無

雲氣寥廓。比歲水旱不登。木落山村盡蕭索。但見羣峯笑兀  
撐青空。鳶鷂奮翼翔高穹。巖谷長松挺危綠。巔崖霜葉酣新紅。  
奕坐謝公壘。飲上王公亭。秦寇投鞭真戲劇。楚囚舉杯空淚零。  
吁嗟日月如轉轂。雨雨風風相禪續。古今誰見百年身。莫爲浮  
名太拘束。我輩江北人。來作江南客。春秋溼氣苦蒸鬱。足踏冰  
霜又淒惻。且沽醪醕澆詩腸。江風山月閑徜徉。君不見六朝太  
侈惑。朝歌暮舞竟亡國。又不見三國多英雄。孫郎豪氣橫江東。  
賢愚富貴今安在。惟有斷蓬荒冢鳴悲風。

送大理任君令嗣上舍還蜀

江水茫茫江霧黃。驪歌寶劍團秋光。長亭斗酒客未醉。斜陽回  
首空斷腸。鳳城春色年年在。老鳳清時耀文彩。雛理翻欲沖  
霄。儻爾歸心渺雲海。吾聞丹竈乃在錦城西。巫山巫峽相逶迤。  
我欲從之不可得。九苞漸遠鱗鴻稀。它日來儀會相見。眼底那  
堪各分散。舉頭千里懸相思。夜夜峨眉月上時。

次崖卷爲林大理題

武夷之東有次崖。氣脉遙接崑崙來。迴巖沓岫幾千丈。排空笑  
兀眞雄哉。山巔平曠百餘里。俯瞰南溟一杯水。君家世居山上  
頭。嵐氣氤氳翠欲流。時吐玄雲作甘雨。枯槁生春澤九州。我公

正字詩經  
本是煙霞客。聞說奇蹤常嘖嘖。便當與君飛上武夷三十六高  
峯。脩脩鶴鬣凌穹窿。西征玄圃躡飛虹。瑤琴試鼓呼青童。又欲  
手摘天上大小星。置之仙人之棋枰。更欲挽取天潢水萬斛。一  
杯吸盡江波綠。陶然醉奕罡風前。蒼茫萬里春無邊。

望牛首山

西峯對峙翹雲屏。宛如牛首窺空冥。無乃九天星精靈氣鍾。墮  
地化作青芙蓉。又疑六丁驅逐開蜀道。力倦歸來臥秋草。牧童  
橫笛野雲輕。吹徹東風古夢醒。昂頭渴思大江水。抵角欲礪金  
陵城。紛紛黃犢孱無力。天荒地老生荆棘。我欲手持三尺龍泉

揮汝起。騎向關西追老子。

大安驛山卽事

山腰細草黃牛臥。山上長松分箇箇。鶴來踏碎一枝雲。松子亂  
隨空翠落。

爛柯圖爲吳僉憲題

彩雲微茫動輕縠。幻出天機炯吾目。彙木森森山矗矗。石竇空  
明透虛谷。流水飛花紅簌簌。那知洞天第幾曲。一仙深晴鬢毛  
禿。一仙長鬚坦豐腹。含思對奕目雙矚。萬轉金鷄弄蜚轂。異哉  
玉樵得奇躡。蹲地旁窺意態足。鉅棗遺核香馥郁。柯爛乾坤幾

翻覆。卻恨塵心寡仙福。底事回家訪宗族。使我有緣窺石屋。何惜年年與此二老收棋局。

三顧圖

銅雀臺高天半傾。紫髯竊弄神鬼驚。炎精明滅寄一縷。大耳真人髀肉生。乃聞南陽有龍臥。淡泊明志真王佐。阿衡左右一德孚。子房帷幄前籌借。草廬邂逅纔數言。輿圖萬里恣幹旋。指揮熊虎拓疆宇。吹噓潛龍行九天。漢鼎重延過半百。幾度阿瞞禡奸魄。那知天心圖叵測。大星墮地光磔磔。君從何處得此圖。令人一見長嗟吁。古來多少英雄抱遺恨。不如且傾濁酒歌吳歎。

題扇

誰將天上半輪月。擣向人間埽炎熱。摩揩醉眼欠分明。不見瓊樓并玉闕。吳仙二斧應摧殘。何時七寶曾脩完。傳與嫦娥休怨別。從今一歲一團圓。

剝樹皮

已丑三月河東飢。路逢婦人剝樹皮。剝盡樹皮樹枯死。汝婦胡然忍爲此。婦言妾有懷。願君容妾吐。樹木無情物。皮去不知苦。妾有腹與心。無食日飢楚。樹皮固堪惜。妾身尤可憐。仁聖固博愛。推恩有後先。婦言未終淚迸落。嗟余聞之懷轉惡。古者井田



法畫一。九年乃積三年食。法廢官殘業不均。凶荒餓殍傷胃臆。吁嗟乎安得普天之下田均吏治和氣流。五風十雨民無憂。

山路謠

人心似山路。十無一步平。間有一步平。石子復縱橫。山不平行路難。心不平。人相殘。行路難兮石可克。人相殘兮醫不得。

醉登黃鶴樓

黃鶴仙樓半空倚。下瞰長江幾千里。樓頭風細碧雲平。江心日暮洪濤起。我來攜酒樓上頭。舉觴一吸楚天秋。鄂渚風烟洞庭水。殊方異景生人愁。

靈壁候月

明月初出海。光細未至地。儻見西簷白。對此那能寐。呼童倒玉甕。月似知我情。流光戀几席。停輪憩西征。一杯聞桂香。奇芬異馥清人腸。但覺平生俗慮散。豁然海嶽何茫茫。兩杯有真味。蕩滌紅塵煙火氣。應是顧兔白中丹。遣我杯中誘我醉。三杯和月吞。洒然肺腑羅乾坤。木公金母在何處。東瞻蓬島西崑崙。我欲乘此蟾蜍而上。驚追躡王喬共飛去。下謝人間榮辱情。一身長對三花樹。

贈張鍊師

鍊師名翺槎仙其號也幼襲錦衣千戶俟職曾侍武皇  
歷南北老游方外得黃白術偶過東津得以晤語臨別

索詩乘醉贈之以歌

張槎仙張槎仙少年乘槎牛斗邊銀潢萬里浮雲煙錦衣烏帽  
何翩翩奔趨玉皇香案前轟雷掣電搖星躔一朝飛落崑崙巔  
直入靈巖玄窟揖金母欲求九還七返之真丹深山大澤無天  
鉛迺效達摩東來中土尋心緣朝攀峻嶺暮長川杖頭常挑沽  
酒錢東溟漁子坐釣船俯觀遊鱗仰飛鳶三生邂逅同周旋垂  
綸釣得縮項鱸同傾醪醕臨潺湲醉時斜枕船頭眠醒來白眼

望青天張槎仙張槎仙儒非儒兮禪非禪乾坤竅妙何精研從  
今慎勿游市廛居諸逝矣真堪憐好來東津結數椽坐觀滄海  
成桑田

象戲歌東隆子及菊軒

朔風吹人冷流涕寒日無光欲墮地隆子高情促華筵閑邀東  
溟開象戲象戲雖小數作者有深旨四方未靜仁人憂兩國相  
爭壯夫恥將軍九宮資環衛國士雙雙出奇計大河簸蕩馬行  
疾昆陽雷雨象骨慄炮火儼閃天地驚車聲轟磕山川鳴強兵  
直前不回顧奮勇直欲攻堅營擊薄雖在手運用恒由心當其

對壘時無語。意深沈。高思邈雲漢。遐想馳崑崙。周密布漁罟。恐懼攫龍鱗。愚者暗昧。智者明怯。者退敗。勇者贏。或以巧勝拙。或以弱勝強。或以寡敵衆。或以閑敗忙。或掩不備而奪三軍之帥。或驕失士以喪千里之邦。古今成敗每如此。何況區區某局爾。菊軒妙齡有英識。聞我斯言亦歎息。不如推枰起舞倒玉瓶。共聽道士清歌聲。莫將眼前勝負撓人情。

謝呂石窗惠箋

江東呂子仙乎仙。吟風弄月春無邊。閒將蓬萊鳳凰五彩翼。製作騷壇錦繡五色旛。興來揮灑奪造化。珠璣磊落飛雲烟。書法

二王詩老杜。等閒三絕落人間。飄飄直欲凌雲起。餘波卻及東溟子。擬將瓦礫報琅玕。祇恐金花浣泥滓。晴窗璀璨射端溪。夜深彷彿蜚虹霓。從此珍藏不敢用。還索瀛洲醉後題。

白鷹

決雲將軍健於虎。金眸玉爪梨花羽。飛上九天嘯一聲。百舌瘖瘖燕無語。

送呂平川考績

韶景催行色。清時課績初。風塵千里外。文采六朝餘。春淺鶯花澁。江空梅柳疏。彤庭應晉秩。莫惜寄魚書。

靜坐

空齋坐岑寂。爽氣滌煩襟。塵事休過眼。幽情自慊心。壁蝸通古篆。蒼鳥和新吟。會得無絃趣。何妨不鼓琴。

幽居

茆齋無俗侶。地迴覺心寬。綠綺窗前掛。黃庭枕上看。澆花思澤物。鋤草當誅奸。只此經綸足。何須慕達官。

苦雨

歲事關民命。漂零寄稻池。重簷飛瀑迴。官舍曉炊遲。溼氣熏香敵。頽垣借木支。重陰吹不散。風伯勢何之。

江干晚泊次韻

風約舟相泊。檣排雁字斜。櫓聲驚宿鷺。帆影亂歸鴉。日落霞明樹。潮來岸嘴沙。村醪不成醉。欹枕聽吹葭。

首夏雨晴東向友

幾日東風老。池塘半綠陰。雨多添木耳。雲破慊葵心。擬臥陶潛榻。更調虞帝琴。遙思南畝外。耨餉日相尋。

良店阻風

風力南來逆。舟人力已殫。炊遲依岸久。纜直轉灘難。深淺鷓鴣杓。清芬苜蓿盤。客途拌一醉。回首憶長安。

秋夜獨坐

空庭開晚霽。骨瘦怯衣單。露下星河淨。雲收宇宙寬。蘆花秋欲老。桂影月初團。獨坐憐幽寂。蛩聲伴菊殘。

秋日蘇門登臺

九日蘇門道。登臺逸興添。亂山還有路。古樹半無尖。秋老籬邊菊。霜欺鏡裏髯。應須拋一醉。歸晚又何嫌。

沙河

曉出沙河郡。征鞍自在吟。一條塵土路。千古利名心。倦步嗟羸馬。幽棲羨野禽。伊誰釣津水。漁唱隔烟濤。

大安驛奉差晚行

既昏羣動息。獨我事郊坰。斷岸明殘火。前旌帶遠星。送迎勞埃吏。匆遽訝山靈。故國多情月。隨人到驛亭。

成晉雨中

遙遙成晉道。淡淡欲晴天。雲曳歸山雨。溪分下石泉。荒城薪米貴。老圃桔槔懸。邊境民蕭索。懸思大有年。

忻州

五月風沙路。雙峯石嶺關。清冷一溪水。流出幾重山。返照驅牛去。閑雲共鳥還。自慚名利客。長在畏途間。

游中臺

中臺登眺處。俯視白雲平。天地樊籬潤。山河脈絡明。龍眠池水靜。虎過岫風生。可奈清幽地。匆匆半日行。

過南關疊前韻

薄宦慚無補。驅馳幾度關。踏窮三晉路。看盡萬重山。鶴老調雛翫。牛閑喚犢還。東津餘釣艇。遙憶水雲間。

偏關

雄關真險絕。直倚朔雲邊。沙趁山成埠。泉隨峽作川。雁門斜倚角。龍氣迴盤旋。寒暑殊南國。渾疑別一天。

襄陵道中

三月襄陵道。春光減客愁。綠楊低去馬。青坂戀歸牛。近水易開沼。依山多起樓。汾陽三十縣。此地亦風流。

阜城驛卽事

曲澗盤荒驛。柴門傍水涯。邊方多種黍。山路不逢花。遠旆緣雲出。疏林挂日斜。因思東海上。原有舊漁槎。

比干廟

敬弔忠臣廟。興亡事可傷。蒺藜迷古路。花柳暗殘陽。赤日丹心在。青山白骨香。三仁不凋謝。渭叟定空亡。

觀音巖

石髮苔衣古。千年混沌人。雲霞餘氣色。天地祕元神。木客供香火。山靈記誕辰。生公能說法。試問碧嶙峋。

雨霽蘭谿舟行

七月長江霽。乘涼夜放船。水清深見月。岸濶遠浮天。栩栩羣生夢。沈沈萬籟宣。良宵好垂釣。久負海雲邊。

小圃秋興

籬落黃花老。秋風自掩門。林疏遙見寺。徑細曲通村。菜煮先天味。匏開太古樽。幽懷寄農圃。此意竟誰論。

佛國寺春行

野景消塵慮。東風放曉晴。旭光明古寺。嵐氣護春城。水暖萍初泛。庭空草又生。滄溟垂釣客。應念舊時盟。

曲子驛次東塘韻

西夏趨王事。南風動曉晴。山僧憎客俗。水鳥妒溪清。征戍新邊徼。歌謠古樂聲。鎮關資頗牧。聖主正含情。

思元柬貞白子

鑷白吾驚老。思元藥未成。齒疏憎肉食。性僻戀葵羹。黃道天機速。丹沙月魄生。微官竟何事。遲我覓蓬瀛。

曉出佛光寺入清涼山

一入臺山境。吟眸頓豁然。鳥嘯雲外樹。鹿飲澗中泉。盤折疑無路。清幽別有天。卻慚名利客。行役自年年。

寄胡可泉中丞

中興開泰運。西嶽晉貞良。歷數原無極。天心眷有常。降神期輔弼。種德應明敷。運洽知名世。才超夙擅場。滄溟鵬始奮。丹穴鳳初翔。剴切金門策。紛騰玉署香。鍾王傳墨法。班馬繼文章。眞率羲皇韻。風騷錦繡腸。薦紳傳麗藻。政化咏甘棠。風采原超逸。天倪入混茫。寡文憎賈傅。衰色妬王嬌。多口防羣小。孤忠感聖皇。

三台榮黼黻。百辟聽笙簧。古調琴流韻。清光劍吐芒。風雲通契濶。天地鑿行藏。齊魯逢凋瘵。絲綸近肅將。撫摩勞碩輔。澤潤濟時暘。蓬島分仙駕。箕危接耿光。爲霖今嗣說。擊壤擬歌唐。道化敦薄俗。仁風起有傷。黃扉虛位久。紫極夢思長。梅鼎思調味。蒲輪定速裝。諸生何就正。吾黨孰醫狂。喝蔭曾依櫬。學燕祇面牆。資卑恒自愧。荼苦每親嘗。矢志終難踐。懷忠憶莫償。賀蘭驚偵騎。越海泛危檣。將母憂衰白。求歸籲彼蒼。天恩矜下悃。游子速歸航。省視纔逾月。慈顏竟委霜。松楸雲落莫。林壑日悲涼。抱甕甘學圃。空囊每絕糧。數奇輕廢棄。援寡愧騰驤。吟詠餘詩癖。裁



成仰大方神功扶。棘棘妙劑愈膏肓。郢鑿真仙手。巴歌弟子行。  
滄壖留慶裔。秦嶽仰珪璋。憤悱蒙開發。春暉永不忘。

武定詩續鈔卷二

利津李佐賢竹朋編輯

魏綸

述懷

蚤戴儒冠學識丁。年來蹤跡愧飄萍。家園漫說依東魯。意氣全  
輸釣北溟。倒吸碧天清酒盞。分開明月小窗櫺。淡懷真景渾難  
識。歌放一聲人不聽。

登瀛步短羨飛仙。羈越纓長愧少年。疏議真慚一去章。  
居諸忽似兩來船。豹斑聊隱山中霧。魚樂同遊水底天。惟願臯

時建言  
歸故云

夔扶社稷不妨落寞老青瓊。

積雨

遙望陰濃海際頭。平拖雨腳未知收。癡疑日月遭天譴。驚訝江湖遍地流。竈底蛙生貧婦怨。禾顛蟲長老農愁。秋風茅屋嗟寒士。廣厦千間誰肯修。

小圃

小可田園二畝多。半間茅屋藉青莎。窗前風月樽前酒。壁後琴書醉後歌。籬豆畦瓜饒地利。野花庭草足天和。箇中淡泊藏真趣。金谷繁華祇夢柯。

蟬

臨風似作不平鳴。攪亂幽窗客夢驚。纔自地中拋穢殼。便來高處競繁聲。惱人只與鳴蛙並。警世曾無促織情。回首螳螂何蹤跡。綠陰緘口莫輕生。

和閻尙友年兄韻

天涯地角任優游。到處春光那解愁。盛世好持毛義檄。他鄉莫上仲宣樓。才華逼我明雙眼。氣識凌人讓一頭。應是錦心嘔吐盡。何須屑屑計詩籌。

都門元宵有述柬仲鳴

人言上國元宵好。漫爾驅羸混俗羣。萬戶笙歌春沸月。九遠鎧  
火晚燒雲。清狂有意誰知我。小恙無聊獨憶君。時仲鳴在病歸對短  
檠還自酌。不妨今夕醉醺醺。

甲馬營次何檢校韻

擢歌聲裏水悠悠。晚泊蘆花伴睡鷗。漫爾逢陳期下榻。欣然依  
郭得同舟。秋風吹興歸詩卷。明月含情入酒甌。捧檄甯為溫飽  
計。終將竿線老滄洲。

舟宿牛房村值雨何檢校舟在後

悶對殘燈酒半醺。孤舟漂泊雁離羣。三千里路同為客。咫尺風

波又憶君。野渡漁蓑飛夜雨。懸崖古木宿秋雲。蓬窗永夕難成  
寐。卻羨村翁睡夕曛。

東園官河八未補對杯

徐牽彩纜鼓頻搗。纔過孤城入釣樵。風正船頭喧雪浪。日斜帆  
影埽汀花。官閑喜得蕉中鹿。病好方知酒內蛇。回首皇都何處  
是。天涯無奈晚雲遮。

送南京河泊所郭君考績詩

并引

予以去冬十月來南都山左宦此者僅十有五人然率  
於東津地相遠惟郭君居濱之馬店去吾邑乃三十里

焉且其人亦涓謹可近故於其考績贈以言兼以自寫

鬱抱云爾

江柳絲絲散曉烟東風吹送客朝天龍灣春色來千里魚課勤  
勞共十年祿薄職名同擊柝身輕行李喜空船但求易了公家  
事青紫隨人歲九遷

沂水道中見餓莩

東國瘡痍久未蘇催科忍復事追呼災黎橫路將填壑荒草連  
阡尚有租雲滿青山喧礦賊沙飛白晝騁鹽徒沂山多礦賊且  
多販私鹽者礦  
皆俗語賊鹽徒龔黃政績誰堪繼多少遺民待乳餉

陳僉憲之廣西

官柳依依夾道生行臺繡斧照江城嶺南草木驚丰采吳下交  
游憶老成千里霜華寒有力六朝山色寂無聲知君素抱匡時  
志青史勲名兆此行

次黃士庸喜雨韻

時雨流甘通地脈因雲灑潤發天和青山一洗塵埃淨白下千  
門笑語多龍捲長江無盡水魚游太液有恩波西成定卜豐盈  
兆鼓腹先聽四野歌

夜坐懷東石次韻

武定詩續錄  
金莖分露飲新蜩。池館沈沈夜寂寥。月色在天花對鏡。秋聲隔水樹生潮。鄒枚落落終逢漢。元愷栖栖未事堯。欲訪美人共清話。不妨晚過石欄橋。

次張許二戶部登望江樓韻

三吳形勝俯江樓。欄外風雲一望收。龍捲濤聲驅入海。雁含窗影晚驚秋。皇華有興資游覽。白雪無人繼倡酬。除卻登臨共舒嘯。塵寰何處可銷愁。

閒上東南第一樓。元龍豪氣迥難收。笑談前代三分事。坐覽中原萬里秋。檻外江山如故識。壁間珠玉盡新酬。舉杯喚出滄溟

月。同醉醕醪散客愁。

冠山次白巖韻

惆悵前修去不來。空餘茆屋此山隈。泉飛雪練雙眸迴。峯落雲屏四面開。牧笛隨牛歸晚照。酒杯招客入春臺。青松白石敬斜路。月色無邊襯野萊。

再游中臺

轟轟中臺萬仞強。登臨烟景對蒼茫。幾回俯仰乾坤小。千古東西日月忙。坐榻半天聞笑語。煩襟五月得清涼。懸知閭闔無多路。欲輾飈輪謁玉皇。

凌井驛山行

靜樂東來百里多。奇峯取次馬頭過。谿清舊少魚兒種。村僻新成燕子窠。清世愁聞金革報。紅塵難覓玉山禾。結椽便欲陽坡住。細讀黃庭遠睡魔。

甯武關次孫黃門韻

代北圖輿此盡頭。黃沙白草朔雲流。三邊驕虜山河隔。萬里中原日月浮。度漠誰收麟閣業。觀風又作雁門游。從來安攘諸臣事。肯使風煙動主憂。

過雁門關

陰山南北是天驕。滿眼龍沙興轉超。霜落雁門秋氣迴。風清馬邑塞雲銷。笑投羽扇閑捫虱。坐挽瑠弓擬射鵬。誰道凌烟高百尺。青袍不讓霍騾姚。

劍雲藪

霜葉飛山石若奔。崎嶇疲馬怯黃昏。峯迴谿轉疑無地。牛噉雞棲復見村。深峽荒烟交暝色。長林疏雨帶秋痕。翩翩又發西行旆。何處猿聲黯客魂。

三山堡逢初度走筆述懷

往年永壽逢初度。今日三山值此辰。鄉國五千餘里路。韶華四

十六年春壯圖未慊心還赤大道多歧鬢欲銀  
上不如歸去養慈親

臘月十日得家書

邊城小恙滯居諸短影隆寒度歲餘  
十二時嘗親藥裏五千里  
偶得家書青陽季子知從學  
聞三子知讀書白髮慈親切倚閭金紫爭  
如團聚樂萊衣更好釣鱸魚

元宵侍制府讌集鎮西樓限韻

玉塞春回烽火清上元簫鼓動歡聲  
九天星斗圍樓閣萬里風  
烟謝甲兵紫禁鰲山勞御矚  
黃沙虎旅鎮邊城叨陪元老分瑤

席盡醉何辭酌屢更

風細雲收夜氣清危樓幾處沸歌聲  
花開頃刻疑仙術春破冰  
霜借酒兵山吐蟾蜍明萬國  
潮喧貔虎壯孤城金吾此夕全無  
禁一任游人到五更

次唐漁石詠雪

沙軟雲迷秦塞路旌明雪點漢官儀  
解貂聖主推恩日牧羝孤  
臣仗節時萬象藏汗天廣大  
五更鬪豔月清奇長松古柏蛟龍  
臥便欲躋攀試一騎

石溝曉發適磁窯塞途凡三百四十里絕少人烟極目風

沙帳馬感懷

北向磁窯邊塞近。征塵馬足任飛騰。亂峯蒼莽無人跡。戰血黃昏化鬼鐘。聖代久收青海地。陽春難破黑山冰。安邊有志酬明世。勲勒燕然愧未能。

夏城春望

旭日輕風度野塘。分明烟景似江鄉。馬餐菱白臙偏茁。人採蒲黃手帶香。碧水橋邊多種柳。青山影裏半栽秧。秋高不被兵戈擾。西北無如此地良。

泊長蘆

日落滄浪一繫舟。晚涼縱目迥銷愁。雲迷鷗鷺團沙宿。風蹴魚龍逆浪游。華館歌殘紅芍藥。朱門浴罷紫驂騮。徘徊待月難成寐。簾捲蓬窗不下鉤。

蜂房

千門萬戶擁中宮。踏霧穿雲更御風。系出天潢遙建國。種非劉氏不分封。園林有路輿圖大。花草無邊貢賦充。從古那知兵革事。翻疑蟻戰竟何功。

邠州次賈啟之憲副喜雪韻

醉擁重衾夢未成。曉來飛雪滿山城。尖又鬪險添詩料。畫閣銷



寒借酒兵。萬里瓊瑤光眩耀。一時天地色清明。灞橋孤客騎驢過。也有春華筆下生。

觀石門泉步韻

飛流直下萬山巔。疏鑿遙疑是水仙。花木四時常帶潤。雲濤一瀉迴無前。青天忽訝長虹落。翠巘誰將素練懸。今古奇觀甯有幾。怪來靈運不知還。  
倒掛銀河向絕巔。山中應是有真仙。奔流直轉歸墟外。闔闔遙思太極前。十里風聲潮水沸。一壺烟景畫圖懸。石門終古無關鎖。好放蛟龍自往還。

秋興

小構憑高野興長。秋來林壑自徜徉。扶桑旭色先明樹。渤海潮聲欲撼牆。繡服慵開金獬豸。野塘閑看錦鴛鴦。雞肥酒熟村田樂。野老相將醉一場。

學圃

仕途南北久浮沈。倦翼歸來戀故林。世變炎涼難著眼。家貧農圃最關心。兒孫成立隨天地。泉石從容自古今。獨坐草廬翻舊冊。幾番野老費招尋。

秋園雜興

卜築尋幽遠俗務。日高小圃未開門。烹茶旋掃丹楓葉。煮酒先收紫芥根。籬落寒花飛晚蝶。池塘淺水躍文鷗。清時真有園林樂。肯向人前枉受恩。

遣興

軒窗瀟灑淨塵埃。坐久涼飈習習來。酒恃少年多劇飲。菊知閨月懶先開。時開九月清閒有分尋三徑。富貴無心入九垓。觸目隨緣聊作樂。陰晴明日那須猜。

述懷東天與年兄

空階散步夜初時。想入非非世不知。狂欲上天持月弄。靜思浮

海逐漚嬉。吟哦有興聊饒舌。榮寵隨人肯朵頤。奉檄破顏休共笑。毛君微意阿誰窺。

牡丹

窈窕仙姝鬪曉妝。綠雲深處簇霓裳。日熏醉暈猩浮豔。風引芳心麝吐香。歌鳥有情如勸客。名花無數盡尊王。金陵樂事今如許。豈獨青山似洛陽。

秋興

金罍傾滿且澆愁。坐對西風滿地秋。看破世情多白眼。掃開落葉喚蒼頭。仕途渾似羊腸險。往事翻疑蝶夢悠。習隱已成漁父

武定詩續錄  
十  
樣。滄浪只欠一扁舟。

秋日道中早行

莎隄纔過又寒林。景物微涼月未沈。一路雁聲秋色老。孤村犬吠夜雲深。人過曲徑苔留跡。風度樛枝樹有音。忽見流移鴻徧野。澄清攬轡意難禁。

次張長官游靈谷韻

十里松風通古寺。眼前景物總堪詩。暫邀驄馬閒行樂。似與林泉舊有期。仙鶴驚飛應避我。山花含笑欲迎誰。丹青殿宇知何代。嬾下長廊看石碑。

土棚堡次何司寇韻

飛蓋團圍日未斜。馬頭雲氣走龍沙。天驕部落移千里。海宇車書共一家。日暮將軍驚臥虎。風寒戍客感歸鴉。我來正值秋成候。禾黍無邊笑語譁。

除夕偕劉憲副西坡陳瑛村少慕天甯寺讌集

簫鼓山城起暮鴉。簿書容易老年華。僧房守歲應嫌俗。客邸逢春更憶家。翠袖誰聽人度曲。青鐙似妒杏先花。衰顏浪跡慵看鏡。擬入天台燕五霞。

新正五日芹泉道中有感

武定詩續錄

卷二

七

輪蹄何日謝塵緣。客裏風光倏一年。草徑龍蛇新世路。柴門鷄犬舊人烟。霞開晚岫金屏迥。泉曳春冰玉帶懸。欲向深山覓真隱。幾回搔首更茫然。

平潭驛山行

一路野花自笑。四山幽鳥遙聞。石嘴分開溪水。松梢掛破行雲。

自警

舊編摩盡髮斑斑。誰道升堂入室艱。原是自家常退步。孔門從古不曾關。

看槐花有感

薄靄輕烟障碧紗。小風吹雨落槐花。庭除璀璨金鋪地。妝點寒門似富家。

秦臺

咸陽宮殿紅三月。虐跡當時盡化塵。底事此臺消不得。野人指點只呼秦。

閒居

銀漢流光月漾輝。瑤琴伴我淡忘機。白雲識得閒中趣。來到茅齋懶更飛。

題扇

一片滄浪接遠天。萬條楊柳幕寒烟。船頭獨坐無些事。釣得春江縮項鱖。

閨怨

海棠庭院鎖黃昏。燕子雙栖獨掩門。欲訴月娥心內事。卻愁鸚鵡向人言。

夢游石泉

一泓石竇出清泉。洗竹澆花不計年。只恐蛟龍行雨去。等閑攜上五雲天。

火箱

温温活火夜初紅。曲曲疏櫺氣自通。十二街頭風雪滿。不知春在範圍中。

暖入寒衾夜結緣。更長漏永伴人眠。卻嫌世上炎涼態。纔得春風便棄捐。

送五老葛公還上餘

上餘金壘觀相傳。爲魏伯陽修煉之所。葛氏五兄弟居其下。年各七八十餘。鬚眉皓然。儼有仙氣。因來金陵謁同寅顏公。得一會焉。詩以言別。

葛仙騎鶴上京華。同醉青山賣酒家。昨日應從蓬島過。碧桃開

到幾番花

約法三章

秦國開門逐沛公。當年隆準信寬洪。誰知夷滅功臣律。不在三章約法中。

憶仲鳴不至

滿窗風雨暗幽居。獨把瑤琴思有餘。卻怪美人還不到。鐙前重讀寄來書。

秋夜

孤鐙耿耿漏聲長。獨檢黃庭坐草堂。應是月明嫌寂寞。卻隨花

影過東牆

寄魏邑侯

公廣陵人宰利邑。平坦愷悌民皆德之。綸考績歸里時。與對奕。今回里養疴。公已遷矣。感懷寄此。

抱病歸來動遠情。秋風吹冷石棋枰。思量惟有東津水。還似先生舊日清。

出城有感

沙溼雲乾雨後天。離懷鄉思正淒然。殷勤惟有長亭柳。青眼相看似往年。

石溝燕

窮邊獨戍盡黃沙。土屋茅檐數十家。燕子不關名與利。春來何事也天涯。

石門泉

千古仙扉長綠苔。一條飛瀑洒雲隈。此山東去天台近。應有桃花洞口來。

宿佛光寺

浮生難過利名關。仕路山程到處艱。收拾圖書東海去。扁舟垂釣水雲間。

觀權店驛西山坡人家有懷

茅屋山腰日欲斜。東風院落杏開花。一條莎徑無人到。疑是南陽處士家。

西湖懷古

洛陽陵寢委黃沙。只把杭州當作家。信是湖山游樂好。令人容易忘中華。

松風

露點拋珠夢鶴驚。暗香輕度翠濤聲。天風一樣吹羣彙。偏到松邊分外清。

孫重光 見前鈔

號騶山海豐人嘉靖壬午舉人官邳州知州著孫刺史

集

海豐楞嚴寺

寂寂孤村外。禪林映碧渠。高原留晚照。頽岸下寒漁。寺古殘碑在。臺荒蔓草餘。塵緣猶未脫。日月幾盈虛。

馮谷曉黛

旭日光搖瀚海波。宿烟破處湧青螺。元規不但登樓興。靈運將如着屐何。天半晴巒孤對酒。洞中仙奕幾來柯。坐間便有山間

樂絕勝巢由枕碧阿。

楊巍 見前鈔

字伯謙號夢山海豐人嘉靖丁未進士由知縣官至吏

部尚書贈少保著夢山存家詩稿四書評畧郡志名臣傳魏補兵

科給事中改吏科出為山西僉事陞陝西巡撫補兵

六千益屯兵三千盡還軍地之奪於藩府者自陝移晉

單騎行邊葺城堡裁冗費入為兵部右

侍郎轉吏部擢尚書晉太子太保歸

醒後聞磬聲

泠然響清磬。我思良悠悠。披衣一起坐。明月懸高樓。遙遙目天宇。空澗萬象收。此時無人言。獨與太虛游。河清不可俟。天運倏



已周冥心入無極。眞想在浮丘。人生亦晝夜。身外更何求。

喜呂二山人中父見訪

客自越中來。滄江訪逸叟。念別條經年。新詩得幾首。嗟君衣上塵。笑我門前柳。世事多翻覆。各掩談天口。留君且莫行。牀頭有黍酒。

和呂山人醉蝶吟

嘉靖乙丑秋七月四日辰刻。余與呂山人對酌。有蛺蝶自北牖入。向山人若舞若慕。又若語。吸山人杯中酒。酒餘。瀝於几間。從前門飛去。一低一昂。有醉客態。昔莊周

夢蝶著在南華傳。諸千載。若此蝶者。直吸杯中。可謂物我一體矣。非山人抱林壑之姿。帶烟霞之氣。不能有此。山人詩成。余和之。紀一時之盛。

小圃開樽七月初。蛺蝶飛來如相呼。狂客當筵笑拍掌。五色翩翻下復上。一吸杯中眞有神。平頭奴子卻生嗔。徘徊宛轉不欲去。似戀雲林最深處。或是劉伶所化歟。不然嗜酒何同子。萬事無如一醉好。滕王莊叟兩遽遽。

贈田三得孫

昔年我醉水西村。君尙無鬚初冠婚。今年我臥桃花嶺。聞君有

子復有孫。聞君行年四十幾。壯歲得孫歡莫比。芝蘭滿庭從此始。人間萬事浮雲耳。厨中有酒且有雞。荆樹春來枝葉齊。君應終日醉如泥。呼兒把盞聽孫嘍。

送郭參將振赴淮陽總戎

分閫向南州。王程不可留。九邊名已著。三楚戰應休。蓬斷狼山野。烟昏蜃海樓。平生許國志。把酒看吳鉤。

經順聖川

野曠行人斷。風高戍鼓鳴。青山隣絕塞。白日閉孤城。戎馬千年地。江湖萬里情。不堪征戰後。極目一沾纓。

有感

一官白首滯邊城。檣散渾多江海情。嗜酒那知囊裏盡。尋僧數向寺中行。征塵滿眼全無策。吏隱何心浪得名。楊子十年猶未調。閉門空草太元成。

桃花口

泊舟桃花口。不見桃花樹。惟有捕魚人。日暮放歌去。

東關寺杏花

野寺尋芳日已斜。春風無力挽飛花。不知開落誰爲主。欲向山僧問法華。

宿岔道村家

亂石爲牆籬作門。今宵寄宿兩家村。聖恩已許歸田去。猶自江湖繞夢魂。

過王戍店

野店春殘不見花。高林落日亂鳴鴉。同游詞客都黃土。淚盡當時賣酒家。

張西銘

濱州人嘉靖丁未進士官至戶部尙書加太子少保

乞歸候報漫題三首

原無軒冕情。偶被弓旌誤。已愧北山移。况逢西省懇。徙倚江上樓。指點齊東路。長嘯賦歸來。天空日未暮。江步久停舸。東裝意若何。歸湖帆自遠。出浦艇還多。吾道思浮海。仙槎擬渡河。滄浪澤畔曲。欵乃聽漁歌。暑雨苔生棹。薰風浪拍洲。如何長艤岸。不信遠乘流。踏海言非誑。悲湘賦未投。歸心與逝水。江上共悠悠。

劉效祖

見前鈔

字仲修濱州人嘉靖庚戌進士官至陝西按察副使著

雲林集

塞上曲

朔風吹雪度沙場。傳道將軍獵白狼。北望征塵何處是。暮雲無際草茫茫。

劉世偉

見前鈔

字從周。號后溪。陽信人。貢生。官甯波通判。

題董憲使知足軒

君不見張子房。為言辟穀辭高皇。冥鴻之外天蒼茫。又不見賀知章。黃冠道士歸故鄉。鑑湖一曲恣徜徉。使君肝膽何激烈。一箭功成謝豪傑。卽辭閭閻解兵符。笑挽滄溟洗劍血。紅塵斷處

結三休。時向東山看明月。

宿水月寺

古刹臨洲渚。年來擬問津。鳥喧門外樹。犬吠渡頭人。吹笛梅花落。翻經貝葉新。遠公迷處所。何處證前身。

馬攀龍

見前鈔

字冲霄。號媿非。陽信人。嘉靖乙卯舉人。官至禮部郎中。游熊耳寺。

結駟來郊野。秋風欲雨天。雲籠熊耳寺。日暗馬跑泉。人影凌波小。河梁競渡喧。歸與暝色合。林麓起蒼烟。

高鳴岐

見前鈔

字松崖武定人隆慶戊辰拔貢官至彰德同知

喜雨有詠

雲幕垂青野。天漿浥綠疇。增波憶谿口。洗翠愛山頭。消暑偏宜枕。吟詩快倚樓。故園望稔歲。暫減客中愁。

宋

槃

見前鈔

字念莪號懋吾樂陵人萬曆辛丑進士官至兵部侍郎  
贈尙書著閒居草

過史子敏盤河草堂

村居久矣罷將迎。異地逢君感慨生。過嶺東西千里路。對樽風雨一時情。青霄歷歷歸鴻影。碧樹間間野鳥聲。商畧物情宜痛飲。髯邊白髮照人明。

鷺鹿長灣

鷺鹿長灣暑雨荒。平隄新漲水茫茫。移來渤澥龍蛇氣。劍轉雲天日月光。遠野孤村翻雪浪。漁人釣叟戲池塘。三冬冰合尤奇絕。一片烟波白玉妝。

張潑

字孝泉號念山又號悔菴樂陵人萬曆丁未進士官至

河南巡撫著竭力草臆諫草庚申紀事

郡志名臣傳潑授韓周命擢浙

江道御史舊制閣臣止用詞林潑首倡內外兼用之議光宗崩李選侍居乾清宮潑與楊連等極言選侍不宜居此宮閣臣方從哲猶持異論潑疏劾之熹宗沖齡潑議禁獻女子並責大臣以無負先帝遺命巡鹽河東豁免貧商五十餘家留贖銀千八百餘兩羅穀賑饑時魏閹竊政潑疏有佞言易入直道難容等語忠賢銜之喉御史梁夢環劾潑為袁化中死黨矯旨奪職崇禎初以原官起用晉太僕寺卿尋陞右僉都御史巡撫河南召對平臺上嘉禮之以病乞歸○按公行實此其大畧詳見明史方從哲楊連傳及公家乘茲不備載

閱闕里志孔仁玉母張氏感吟

聖脈重遭秦火侵。夏廷寶鼎半銷沈。誰將一髮千鈞引。始信緡仍比姒任。

張自慎

字敬叔號就山商河人諸生

郡志文苑傳自慎負才藻游章邱李開先太常之門

太常亟加鑒賞曰老夫衣鉢須此子張大之工詩文其得意處尤在金元樂府○按敬叔著作甚富漁洋居易錄中曾稱之稿多散逸惟章邱縣志存此一詩特錄之

同客游龍泉寺懷李中麓太常

共入招提境。風流憶我師。鱗潛曾此地。羽化又多時。雲氣陰晴變。泉聲日夜悲。千秋揮淚處。頽壁舊題詩。

曾明烈

見前鈔

字叔承號泰雲陽信人前鈔伯頌公弟崇禎戊辰拔貢

大覺寺塔

孤塔摩霄起。層層抵翠微。勢盤千嶂秀。影挂萬星輝。健羽愁難渡。流雲戀未歸。還疑風雨夜。一片彩霞飛。

張鵬南

字虛齋。樂陵人。孝泉公姪。貢生。崇禎時官至太僕寺少

卿。公家傳。懷宗時由貢生考授中書晉太僕寺少卿。督餉。西甯按籍分給軍士歡聲如雷。奉命江甯催造符驗。所歷州郡見閭閻疾苦。請諸為有司言之。旋里寇盜滋熾。出金巨萬與邑侯練鄉勇修戰守。具邑賴以安。入國朝以原官告歸。連歲大饑。倡義賑濟。生全頗多。

東方曼倩閣

踏徧烟霞渤海東。君臣水乳意交融。高蹤縹渺超千古。野殿荒涼歷雨風。是假是真忠悃盡。非仙非俗世情空。年年秋老樓頭月。一似當時照漢宮。

